

## Allannguutissatut siunnersuut

uunga

**Uunga siunnersuut: Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaata allanngortinneqarnissaa pillugu Inatsisartut inatsisaat nr. xx. xxx 2019-imeersoq**

(Pineqaatissiisarnermik aalajangersakkap erseqqissarneqarnera)

Aappassaaneerneqarnissaanut Naalakkersuisunit saqqummiunneqartoq.

**§ 1-imut****1.** Siunnersuummi § 1, nr. 1 ima oqaasertalerneqassaaq:

”1. § 19, imm. 1, ima oqaasertalerneqassaaq:

“Kinaluunniit piaaraluni imaluunniit mianersuaalliorujussuarluni iliuuseqartoq akiliinissamik pineqaatissinneqassaaq:

- 1) paasissutissanik akitsuutinik nakkutilliinermut atugassanik eqqunngitsunik paatsoorneqarsinnaasunilluunniit tunniussisoq imaluunniit paasissutissanik nipangiussisoq,
- 2) § 1, § 1 a, § 2, § 3, imm. 1, § 6, imm. 1, § 8, imm. 1, § 9, imm. 1, § 10, imm. 1-imik unioqqutitsisoq, imaluunniit unioqqutitseriaraluartoq,
- 3) § 11, imm. 1 naapertorlugu peqquneqarnermik malinninngitsoq,
- 4) nalunaarsorneqarnerup Akileraartarnermik Aqutsisoqarfimmit § 9, imm. 2 imaluunniit § 12, imm. 1 aamma 2 naapertorlugit arsaarinnissutigineqareernerata kingorna ingerlatamik akitsuuteqarfiusumik ingerlatsiinnartoq, imaluunniit
- 5) nioqqutissanik inatsit naapertorlugu akitsuutaannik akilernerqarsimasussaagaluanik akitsuuserneqarsimanngitsunilli tunniussisoq, pissarsisoq, paarsisoq, atuisoq, assartuisoq imaluunniit pisoq.””

Siunnersuummut nassuiaatit

**Nalinginnaasumik nassuiaatit**

Mineralvandinik, sodavandinik, limonadenik allanillu kulisyremik akoqartunik, ethanolimik akoqanngitsunik imeruusaatinik aningaasarsiutigalugu sanasarnermut tunngatillugu inatsimmi § 1 a-mik unioqqutitsinerit, unioqqutitsisoq piaaraluni imaluunniit mianersuaalliorujussuarluni iliuuseqarsimappat akiliisitaanermik aamma pineqaatissinneqarsinnaassasoq allannguutissatut siunnersuutip nassatarisaanik inatsimmi § 19, imm. 1, nr. 2-mi erseqqissaatigineqassaaq.

Aammattaaq allannguutissatut siunnersuutip nassatarisaanik siunnersuummi saqqummiunneqartumi § 19, imm. 1, nr. 2 naapertorlugu oqaasertat ”imaluunniit unioqqutitseriaraluartoq” peerneqassapput, tassa inatsimmi aalajangersakkanik unioqqutitseriaraluarneq Kalaallit Nunaanni Pinerluttulerinermi Inatsimmi unioqqutitseriaraluarneq pillugu aalajangersakkani ilaatinneqareermat.

Allannguut inatsisissatut siunnersuummik naliliissummik allannguinnessamut aamma tunngavissiinnigilaq.

### **Aalajangersakkanut ataasiakkaanut nassuiaatit**

*Nr. 1-imut*

Inatsisartut inatsisissaannut allannguutissatut siunnersuummut saqqummiunneqartumut atatillugu § 19, imm. 1, nr. 2-mi nalunaarsorneqartut inatsimmi § 1 a-p ilanngunneratigut allanngortinneqassapput.

Mineralvandinik, sodavandinik, limonadenik allanillu kulisyremik akoqartunik, ethanolimik akoqanngitsunik imeruersaatini aningaasarsiutigalugu sanasarneq inatsimmi § 1 a-mi taamaallaat pineqarpoq .

Aammattaaq § 19, imm. 1, nr. 2-mi nalunaarsukkani peerneqassaq ”imaluunniit unioqqutitseriaraluartoq”. Unioqqutitseriaraluarluni iliuuseqarnerit Kalaallit Nunaanni Pinerluttulerinermi Inatsimmi unioqqutitseriaraluarnerit pillugit aalajangersakkami ilaatinneqareerput, taamaattumillu taama iliuuseqarnerit malittarisassat atuuttut malillugit pineqaatissiissutigineqarsinnaareerlutik.